


CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

SEP 28 1956

T522/7939

3



從諸儒訂定禮官之屬六十有五

大宗伯

小宗伯

肆師

典命

典瑞

官以
一上春

巾車

典路

車僕

節服氏

夏

司常

鬱人

鬯人

司尊彝

司几筵

哈佛大學
哈佛燕京
圖書館
珍藏印

典祀

家宗人

神仕

大行人秋

司儀秋

環人秋

掌客秋

掌交秋

都宗人

守祧

職喪

小行人以上春
官二秋

行夫秋

象胥秋

掌訝秋

大卜

卜師

龜人

占人

占夢

大祝

喪祝

詛祝

男巫

卜人

菴氏

箬人

眠祲以上春
官三

小祝

甸祝

司巫

女巫

祭僕 夏

夏采 天

掌次 天

伊耆氏

司燿 夏

充人 地

犬人 秋

羊人 夏

小臣 夏

掌舍 天

幕人 天

司烜氏 秋

牧人 地

牛人 地

雞人

小子 夏

春人

饗人

犒人 以上春官四

註疏刪翼照以序官

舊本禮官之屬六十九

內取補天官十地官十有九冬官三

大宗伯

小宗伯

肆師

鬱人

鬯人

雞人

司尊彝

司几筵

天府

典瑞

典命

司服

典祀

宇祧

世婦

外宗

墓大夫

大司樂

大胥

大師

鼓朦

典同

內宗

冢人

職喪

樂師

小胥

小師

眡瞭

磬師

鐘師

笙師

鐸師

鞀師

旄人

籥師

鞮鞻氏

典庸器

司于

大卜

卜師

卜人

龜人

菴氏

占人

筮人

占夢

眠禭

大祝

小祝

喪祝

甸祝

詛祝

司巫

男巫

女巫

大史

小史

馮相氏

保章氏

內史

外史

御史

巾車

典路

車僕

司常

都宗人

家宗人

周禮卷八

春官宗伯第三

惟王建國。辨方正位。體國經野。設官分職。以爲民極。乃立春官宗伯。使帥其屬而掌邦禮。以佐王和邦國。

大宗伯之職。掌建邦之天神人鬼地示之禮。以佐王建保邦國。以吉禮事邦國之鬼神。示以禋祀。祀昊天上帝。以實柴。祀日月星辰。以槩燎。祀

鬻牲曾也辜磔也肆音別解牲體也

司中司命。飗師。雨師。以血祭。祭社稷。五祀。五嶽。以貍沈。祭山林川澤。以鬻辜。祭四方百物。以肆獻裸。享先王。以饋食。享先王。以祠。春享先王。以禴。夏享先王。以嘗。秋享先王。以蒸。冬享先王。以凶禮。哀邦國之憂。以喪禮。哀死亡。以荒禮。哀凶札。以弔禮。哀禍哉。以禴禮。哀圍敗。以恤禮。哀寇亂。

以賓禮。親邦國。春見曰朝。夏見曰宗。秋見曰覲。

冬見曰遇。時見曰會。殷見曰同。時聘曰問。殷頰曰視。

以軍禮。同邦國。大師之禮。用衆也。大均之禮。恤衆也。大田之禮。簡衆也。大役之禮。任衆也。大封之禮。合衆也。

以嘉禮。親萬民。以飲食之禮。親宗族兄弟。以昏冠之禮。親成男女。以賓射之禮。親故舊朋友。以饗燕之禮。親四方之賓客。以賑膳之禮。親兄弟。

之國以賀慶之禮。親異姓之國。以九儀之命。正邦國之位。一命受職。再命受服。三命受位。四命受器。五命賜則。六命賜官。七命賜國。八命作牧。九命作伯。以玉作六瑞。以等邦國。王執鎮圭。公執桓圭。侯執信圭。伯執躬圭。子執穀璧。男執蒲璧。以禽作六摯。以等諸臣。孤執皮帛。卿執羔。大夫執鴈。士執雉。庶人執鶩。工商執雞。

以玉作六器。以禮天地四方。以蒼璧禮天。以黃琮禮地。以青圭禮東方。以赤璋禮南方。以白琥禮西方。以玄璜禮北方。皆有牲幣。各放其器之色。

以天產作陰德。以中禮防之。以地產作陽德。以和樂防之。以禮樂合天地之化。百物之產。以事鬼神。以諧萬民。以致百物。凡祀大神。享大鬼。祭大示。帥執事而卜。日宿。眡

滌濯蒞玉鬯。省牲鑊。奉玉盞。詔大號。治其大禮。詔相王之。大禮。若王不與祭祀。則攝位。凡大祭祀。王后不與。則攝而薦豆籩徹。大賓客攝而載。果朝覲會同。則爲上相。大喪亦如之。王哭諸侯亦如之。王命諸侯。則儼。國有大故。則旅上帝及四望。王大封。則先告后土。乃頒祀于邦國都家鄉邑。

小宗伯之職。掌建國之神位。右社稷。左宗廟。兆五帝於四郊。四望四類亦如之。兆山川丘陵墳衍。各因其方。掌五禮之禁令。與其用等。辨廟祧之昭穆。辨吉凶之五服。車旗宮室之禁。掌三族之別。以辨親疎。其正室皆謂之門子。掌其政令。毛六牲。辨其名物。而頒之于五官。使其奉之。辨六齋之名物。與其用。使六宮之人共奉之。辨六彝之名物。以待。果將。辨六尊之名物。以待祭祀。賓客。掌衣服車旗宮室之賞賜。掌四時祭祀之

毛揮其毛色也

大貞謂卜立君
卜大封也

敘事與其禮。若國大貞。則奉玉帛以詔號。大祭祀省牲。眡滌濯。祭之日。逆齋省鑊。告時于王。告備于王。凡祭祀賓客。以時將瓚果。詔相祭祀之。小禮。凡大禮。佐大宗伯。賜卿大夫士爵。則僎。小祭祀掌事。如大宗伯之禮。大賓客。受其將幣之齋。

若大師。則帥有司而立軍社。奉主車。若軍將有事。則與祭。有司將事于四望。若大甸。則帥有司而饁獸於郊。遂頒禽。大裁。及執事禱祠于上下神示。王崩大肆。以柩鬯。及執事涖。大斂。小斂。帥異族而佐。縣衰冠之式于路門之外。及執事眡葬。獻器。遂哭之。卜葬兆。甫窆。亦如之。既葬。詔相喪祭之禮。成葬而祭。墓爲位。凡王之會同。軍旅。甸役之禱祠。肆儀爲位。國有禍。裁則亦如之。凡天地之大裁。類社稷宗廟。則爲位。凡國之大禮。佐大宗伯。凡小禮。掌事。如大宗伯之儀。

祈者祈福珥者
珥災

謂築鬱金者而
和之以裸神

大澠浴尸

依其禮謂之類
至其所謂之造

肆師之職。掌立國祀之禮。以佐大宗伯。立大祀。用玉帛牲牲。立次祀。用牲幣。立小祀。用牲。以歲時序其祭祀。及其祈珥。大祭祀。展犧牲。繫于牢。頒于職人。凡祭祀之卜日。宿為期。詔相其禮。既滌濯。亦如之。祭之日。表盥盛。告潔。展器陳。告備。及裸。築鬱。相治小禮。誅其慢怠者。掌兆中廟中之禁令。凡祭祀禮成。則告事畢。大賓客。涖筵。凡築鬱。贊裸將。大朝覲。佐儉。共設匪。饗之禮。饗食。

授祭與祝。候禳于壘及郊。大喪。大澠。以鬯。則築鬯。令外內命婦序哭。禁外內命男女之哀。不中法者。且授之杖。

凡師甸用牲于社宗。則為位。類造上帝。封于大神。祭兵于山川。亦如之。凡師不功。則助牽主車。凡四時之大甸獵。祭表貉。則為位。嘗之日。涖卜來歲之芟。獮之日。涖卜來歲之戒。社之日。涖卜來歲之稼。若國有大故。則令國人祭。歲時之祭。

祀亦如之。凡卿大夫之喪。相其禮。凡國之大事。治其禮儀。以佐宗伯。凡國之小事。治其禮儀。而掌其事。如宗伯之禮。

典命。掌諸侯之五儀。諸臣之五等之命。上公九命。爲伯。其國家宮室車旗衣服禮儀。皆以九爲節。侯伯七命。其國家宮室車旗衣服禮儀。皆以七爲節。子男五命。其國家宮室車旗衣服禮儀。皆以五爲節。王之三公八命。其卿六命。其大夫

四命。及其出封。皆加一等。其國家宮室車旗衣服禮儀。亦如之。凡諸侯之適子。誓於天子。攝其君。則下其君之禮一等。未誓。則皮帛。繼子男。公之孤。四命。以皮帛。眡小國之君。其卿三命。其大夫再命。其士一命。其宮室車旗衣服禮儀。各眡其命之數。侯伯之卿大夫士。亦如之。子男之卿。再命。其大夫一命。其士不命。其宮室車旗衣服禮儀。各眡其命之數。

琮音蒙雕刻圭
璧上起兆琮謂
有所鄂也漢書
良玉不琮言不
待雕刻也
璋邸射邸本也
射刺也刺銳也
其本如射之貫
銳出者也以象

山川之通氣

璧羨者羨餘也
璧體圓本徑九
寸今言羨則減
旁一寸以益上
下旁止八寸上
下長一尺也
以組穿六至以
斂尸圭在左璋
在首琬在足璜
在右璧在背琮
在腹六玉兩頭
皆有孔
渠眉者于兩乳
之間為溝渠兩

典瑞掌玉瑞玉器之藏辨其名物與其用事設
其服飾王晉大圭執鎮圭纁藉五采五就以朝
日公執桓圭侯執信圭伯執躬圭纁皆三采三
就子執穀璧男執蒲璧纁皆二采再就以朝覲
宗遇會同于王諸侯相見亦如之瑑圭璋璧琮
纁皆二采一就以頌聘四圭有邸以祀天旅上
帝兩圭有邸以祀地旅四望裸圭有瓚以肆先
王以裸賓客圭璧以祀日月星辰璋邸射以祀

山川以造贈賓客

土圭以致四時日月封國則以土地珍圭以徵
守以恤凶荒牙璋以起軍旅以治兵守璧羨以
起度駟圭璋璧琮琥璜之渠眉䟽璧琮以斂尸
穀圭以和難以聘女琬圭以治德以結好琰圭
以易行以除慝大祭祀大旅凡賓客之事共其
玉器而奉之大喪共飯玉含玉贈玉凡玉器出
則共奉之

畔稍高為眉環
疏壁琮疏通也
疏者穿股其孔
也記曰清廟之
瑟朱絃而疏越
越瑟底孔也

周禮卷九

巾車掌公車之政令辨其用與其旗物而等敘

之以治其出入王之五路一曰玉路錫陽樊纓十

有再就建大常十有二旂以祀二曰金路鉤樊

纓九就建大旂以賓同姓以封三曰象路朱樊

纓七就建大赤以朝異姓以封四曰革路龍勒

條纓五就建大白以卽戎以封四衛五曰木路

前樊鵠纓建大麾以田以封蕃國王后之五路

車制詳于考工
記此則掌其命
數而已

重翟錫面朱總厭翟勒面績總安車彫面鷺總
皆有容蓋翟車貝面組總有握輦車組輓有翬
羽蓋

王之喪車五乘木車蒲蔽犬禛尾縻疏飾小服
皆疏素車芴蔽大禛素飾小服皆素藻車藻蔽
鹿淺禛革飾駮車荏蔽然禛髹飾漆車藩蔽豸
禛雀飾服車五乘狐乘夏篆卿乘夏緜大夫乘
墨車士乘棧車庶人乘役車凡良車散車不在

凡賜闕之謂君
賜無常惟上所
用故缺而不會
不可制以有司
之法也
齋財也

等者其用無常凡車之出入歲終則會之凡賜
闕之毀折入齋于職幣大喪飾遣車遂歛之行
之及葬執蓋從車持旌及墓嘒啓闕陳車小喪
其匱路與其飾歲時更續其其幣車大祭祀鳴
鈴以應雞人

典路掌王及后之五路辨其名物與其用說若
有大祭祀則出路贊駕說大喪大賓客亦如之
凡會同軍旅弔于四方以路從

車僕掌戎車之萃。廣車之萃。闕車之萃。平車之萃。輅車之萃。凡師共革車。各以其萃。會同亦如之。大喪廡革車。大射共三之。節服氏掌祭祀朝覲衮冕。六人。維王之太常。諸侯則四人。其服亦如之。郊祀裘冕。二人。執戈送逆尸從車。

司常掌九旗之物名。各有屬以待國事。日月為常。交龍為旂。通帛為旛。雜帛為物。熊虎為旗。鳥

隼為旟。龜蛇為旐。全羽為旖。析羽為旌。及國之大閱。贊司馬頒旗物。王建太常。諸侯建旂。孤卿建旛。大夫士建物。師都建旗。州里建旟。縣鄙建旐。道車載旖。旂車載旐。皆畫其象焉。官府各象其事。州里各象其名。家各象其號。凡祭祀各建其旗。會同賓客亦如之。置旌門。大喪共銘旌。建廡車之旌。及葬亦如之。凡軍事建旌旗。及致民置旌。弊之甸亦如之。凡射共獲旌。歲時共更旌。

弊之者衆既至則外旗也服不氏以旗居之而

待獲此獲旌也
更旌更舊取新

鬱人掌裸器。凡祭祀賓客之裸事。和鬱鬯以實
彝而陳之。凡裸玉。濯之陳之。以贊裸事。詔裸將
之儀。與其節。凡裸事。沃盥。大喪之泚。共其肆器。
及葬。共其裸器。遂貍之。大祭祀。與量人受舉。掌
之。卒爵而飲之。

鬯人掌共秬鬯而飾之。凡祭祀社壇。用大罍。滎
門用瓢。齋廟用修。凡山川四方用蜃。凡裸事用
概。凡鬻事用散。大喪之大海。設斗。共其釁鬯。凡

王之齊事。共其秬鬯。凡王弔臨。共介鬯。

司尊彝。掌六尊六彝之位。詔其酌。辨其用。與其

實。春祠夏禴。裸用雞彝。鳥彝。皆有舟。其朝踐用

兩獻尊。其再獻用兩象尊。皆有罍。諸臣之所昨

也。秋嘗冬烝。裸用斝彝。黃彝。皆有舟。其朝獻用

兩著尊。其饋獻用兩壺尊。皆有罍。諸臣之所昨

也。凡四時之間祀。追享朝享。裸用虎彝。雌彝。皆

有舟。其朝踐用兩大尊。其再獻用兩山尊。皆有

間去聲

親遠者追享親

近者朝享

無足之尊

尊下有志室

大古之尊

山形

存其尊彝不即
徹也大旅大故
之祭

罍諸臣之所昨也。凡六彝六尊之酌。鬱齊獻酌。醴齊縮酌。盎齊浼酌。凡酒脩酌。大喪存奠彝。大旅亦如之。

司几筵掌五几五席之名物。辨其用。與其位。凡大朝覲。大饗射。凡封國命諸侯。王位設黼依依。前南鄉。設筮筵。紛純。加纁席。畫純。加次席。黼純。左右玉几。祀先王。昨席亦如之。諸侯祭祀。席蒲。筵績純。加莞席。紛純。右雕几。昨席。莞筵。紛純。加

纁席。畫純。筵國賓于牖前。亦如之。左彤几。甸。役則設熊席。右漆几。凡喪事。設葦席。右素几。其栢席。用萑黼純。諸侯則紛純。每敦一几。凡吉事。變几。凶事。仍几。

典祀掌外祀之兆。守皆有域。掌其禁令。若以時祭祀。則帥其屬而脩除。徵役於司隸而役之。及祭。帥其屬而守其厲。禁而蹕之。

都宗人掌都祭祀之禮。凡都祭祀。致福于國。正

隋吐火切埋祭餘也

其禮與其服。若有寇戎之事，則保羣神之壇。國有大故，則令禱祠。既祭，反命于國。家宗人掌家祭祀之禮。凡祭祀，致福。國有大故，則令禱祠，反命。祭亦如之。掌家禮，與其衣服宮室車旗之禁令。

守祧掌守先王先公之廟祧。其遺衣服藏焉。若將祭祀，則各以其服授尸。其廟則有司脩除之。其祧則有司黜聖之。既祭，則藏其隋意與其服。

凡以神仕者，掌三辰之法，以猶鬼神示之。居辨其名物。以冬日至，致天神人鬼；以夏日至，致地示物。彫以禴，國之凶荒，民之札喪。

職喪掌諸侯之喪及卿大夫士凡有爵者之喪。以國之喪禮，泣其禁令，序其事。凡國有司以王命有事焉，則詔贊主人。凡其喪祭，詔其號，治其禮。凡公有司之所共職，喪令之趣其事。大行人掌大賓之禮及大客之儀，以親諸侯春

藏哀伯葬之加一等葬共仲穆伯降等葬魏舒去其栢椁趙孟自誓木棺三寸大夫廢職以士禮葬之則群臣之喪升降自王朝也

自大行人至掌
交九職舊諫司
寇蓋出乎禮則
入于法也
大行人中大夫
二人為之長小
行人下大夫四
人為之貳若行
夫則有三十二
人行人有事則
行夫左右先後
之也

朝諸侯而圖天下之事。秋覲以比邦國之功。夏
宗以陳天下之謨。冬遇以協諸侯之慮。時會以
發四方之禁。殷同以施天下之政。時聘以結諸
侯之好。殷頰以除邦國之慝。間問以論諸侯之
志。歸服以交諸侯之福。賀慶以贊諸侯之喜。致
禴以補諸侯之裁。

以九儀辨諸侯之命。等諸臣之爵。以同邦國之
禮。而待其賓客。上公之禮。執桓圭九寸。繅藉九

寸。冕服九章。建常九旒。樊纓九就。貳車九乘。介
九人。禮九牢。其朝位賓主之間九十步。立當車
軹。擯者五人。廟中將幣三享。王禮再裸而酢。饗
禮九獻。食禮九舉。出入五積。三問三勞。諸侯之
禮。執信圭七寸。繅藉七寸。冕服七章。建常七旒。
樊纓七就。貳車七乘。介七人。禮七牢。朝位賓主
之間七十步。立當前疾。擯者四人。廟中將幣三
享。王禮壹裸而酢。饗禮七獻。食禮七舉。出入四

積再問再勞。諸伯執躬圭。其他皆如諸侯之禮。諸子執穀璧五寸。纁藉五寸。冕服五章。建常五旂。樊纓五就。貳車五乘。介五人。禮五牢。朝位賓主之間五十步。立當車衡。擯者三人。廟中將幣三享。王禮壹裸不酢。饗禮五獻。食禮五舉。出入三積。壹問壹勞。諸男執蒲璧。其他皆如諸子之禮。

凡大國之孤。執皮帛以繼小國之君。出入三積。

不問壹勞。朝位當車前。不交擯。廟中無相。以酒禮之。其他皆眡小國之君。凡諸侯之卿。其禮各下其君二等以下。及其大夫士亦如之。

邦畿方千里。其外方五百里。謂之侯服。歲一見。其貢祀物。又其外方五百里。謂之甸服。二歲一見。其貢嬪物。又其外方五百里。謂之男服。三歲一見。其貢器物。又其外方五百里。謂之采服。四歲一見。其貢服物。又其外方五百里。謂之衛服。

九服專記遠近
諸侯之貢

五歲一見其貢材物。又其外方五百里謂之要服。六歲一見其貢貨物。九州之外謂之蕃國。世一見各以其所貴寶爲贄。

王之所以撫邦國諸侯者。歲徧存。三歲徧頰。五歲徧省。七歲屬象胥。諭言語。協辭命。九歲屬瞽史。諭書名。聽聲音。十有一歲達瑞節。同度量。成牢禮。同數器。脩法則。十有二歲王巡守殷國。凡諸侯之王事。辨其位。正其等。協其禮。賓而見。

之。若有大喪則詔相諸侯之禮。若有四方之大事則受其幣。聽其辭。凡諸侯之邦交。歲相問也。殷相聘也。世相朝也。

小行人掌邦國賓客之禮籍。以待四方之使者。令諸侯春入貢。秋獻功。王親受之。各以其國之籍禮之。凡諸侯入王。則逆勞于畿。及郊勞。胝館。將幣。爲承而擯。

凡四方之使者。大客則擯。小客則受其幣而聽。

六物總上三六
物也

其辭。使適四方。協九儀。賓客之禮。朝覲宗遇會
同。君之禮也。存類省聘問。臣之禮也。達天下之
六節。山國用虎節。土國用人節。澤國用龍節。皆
以金為之。道路用旌節。門關用符節。都鄙用管
節。皆以竹為之。成六瑞。王用鎮圭。公用桓圭。侯
用信圭。伯用躬圭。子用穀璧。男用蒲璧。合六幣。
圭以馬。璋以皮。璧以帛。琮以錦。琥以繡。璜以黼。
此六物者。以和諸侯之好故。

前段言行人出
使于諸侯而侯
國有事則便宜
行之也
後段言行人出
使于四方而採
訪其民俗之休
戚以聞于天子
也

若國札喪。則令賻補之。若國凶荒。則令調委之。
若國師役。則令槁禴之。若國有福事。則令慶賀
之。若國有禍哉。則令哀弔之。凡此五物者。治其
事故。及其萬民之利害。為一書。其禮俗政事教
治刑禁之逆順。為一書。其悖逆暴亂作慝。猶犯
令者。為一書。其札喪凶荒厄貧。為一書。其康樂
和親安平。為一書。凡此五物者。每國辨異之。以
反命于王。以周知天下之故。

周禮卷十

王見諸侯之禮

司儀掌九儀之賓客擯相之禮。以詔儀容辭令。揖讓之節。將合諸侯。則令爲壇三成。宮旁一門。詔王儀南鄉見諸侯。土揖庶姓。時揖異姓。天揖同姓。及其擯之。各以其禮。公於上等。侯伯於中等。子男於下等。其將幣亦如之。其禮亦如之。王燕則諸侯毛。

凡諸公相爲賓。王國五積。三問。皆三辭。拜受。皆

諸侯適薛國而君相見之禮

小禮曰珍大禮曰瓊醑

旅擯再勞三辭三揖登拜受拜送王君郊勞交
擯三辭車逆拜辱三揖三辭拜受車送三還再
拜致館亦如之致饗如祭積之禮及將幣交擯
三辭車逆拜辱賓車進答拜三揖三讓每門止
一相及廟唯上相入賓三揖三讓登再拜受幣
賓拜送幣每事如初賓亦如之及出車送三請
三進再拜賓三還三辭告辟致饗餼還三饗食
致贈郊送皆如將幣之儀賓之拜禮拜饗餼拜

饗食賓繼主君皆如主國之禮諸侯諸伯諸子
諸男之相為賓也各以其禮相待也如諸公之
儀

大夫聘于諸侯與國君相見之禮

諸公之臣相為國客則三積皆三辭拜受及大
夫郊勞旅擯三辭拜辱三讓登聽命下拜登受
賓使者如初之儀及退拜送致館如初之儀及
將幣旅擯三辭拜逆客辟三揖每門止一相及
廟唯君相入三讓客登拜客三辟授幣下出每

事如初之儀。及禮私面私獻。皆再拜稽首。君答拜。出及中門之外。問君。客再拜對。君拜。客辟而對。君問大夫。客對。君勞客。客再拜稽首。君答拜。客趨辟。致饗餼。如勞之禮。還圭。如將幣之儀。君館客。客避介受命。遂送客。從拜辱于朝。明日客拜禮。賜遂行。如入之積。凡侯伯子男之臣。以其國之爵。相爲客而相禮。其儀亦如之。凡四方之賓客禮儀。辭命。餼牢。賜獻。以二等從。

其爵而上下之。凡賓客送逆。司禮。凡諸侯之交。各稱其邦而爲之幣。以其幣爲之禮。凡行人之儀。不朝不夕。不正其主面。亦不背客。

行夫。掌邦國傳遽之小事。媿惡而無禮者。凡其使也。必以旌節。雖道有難而不時。必達。居於其國。則掌行人之勞辱事焉。使則介之。

環人。掌送逆邦國之通賓客。以路節達諸四方。舍則授館。令聚橐。有任器則令環之。凡門關無

幾送逆及疆。

象胥掌蠻夷閩貉戎狄之國使掌傳王之言而論說焉。以和親之。若以時入賓則協其禮。與其辭言傳之。凡其出入送逆之禮節幣帛辭令而賓相之。凡國之大喪詔相國客之禮儀而正其位。凡軍旅會同受國客幣而賓禮之。凡作事王之大事諸侯次事卿次事大夫次事上士下事庶子。

行人所開七歲
屬象再論首經
協辭命

今者掌客令王
國之如此也

掌客掌四方賓客之牢禮餼獻飲食之等數。與其政治。王合諸侯而饗禮則具十有二牢。庶具百物備。諸侯長十有再獻。王巡守殷國則國君膳以牲犢。令百官百姓皆具。從者三公眡上公之禮。卿視侯伯之禮。大夫眡子男之禮。士眡諸侯之卿禮。庶子壹眡其大夫之禮。

凡諸侯之禮。上公五積。皆眡餐牽。三問皆脩。羣介行人宰史皆有牢。餐五牢。食四十。簋十。豆四。

此王朝待上公
之禮
餐客始至小禮
也食謂庶羞美

而可食者也
王朝待諸侯勞
費不訾如此後
世一變而為郡
縣多少簡易

殿中也中又致
膳示念賓也

此王朝待侯伯
之禮

鼎牲器簋黍稷
器
鼎簋十有二謂
鼎與簋各十二
也合言之者皆
常食也故公侯
伯子男無異

十。釶四十有二。壺四十。鼎簋十有二。腥三十有
凡皆陳二字非九見
六。皆陳。饗餼九牢。其死牢如餐之陳。牽四牢。米
百有二十筥。醢醢百有二十甕。字衍車皆陳。車米。眡
生牢。牢十車。車乘有五籩。車禾。眡死牢。牢十車。
車三秬。如芻薪倍禾皆陳。乘禽日九十雙。殷膳大
牢以及歸。三饗三食三燕。若弗酌則以幣致之。
凡介行人宰史皆有餐饗餼以其爵等為之牢
禮之陳數。唯上介有禽獻。夫人致禮。八壺八豆

八籩。膳大牢。致饗大牢。食大牢。卿皆見以羔。膳
大牢。

侯伯四積皆眡餐牽。再問皆脩。餐四牢。食三十

有二。簋八。豆三十有二。釶二十有八。壺三十有

二。鼎簋十有二。腥二十有七。皆陳。饗餼七牢。其

死牢如餐之陳。牽三牢。米百筥。醢醢百甕。皆陳。

米三十車。禾四十車。芻薪倍禾。皆陳。乘禽日七

十雙。殷膳大牢。三饗再食再燕。凡介行人宰史

此王朝待子男之禮

皆有餐饗餼以其爵等為之禮唯上介有禽獻夫人致禮八壺八豆八籩膳大牢致饗大牢卿皆見以羔膳特牛

子男三積皆眡餐牽壹問以修餐三牢食二十有四簋六豆二十有四鉶十有八壺二十有四鼎簋十有二牲十有八皆陳饗餼五牢其死牢如餐之陳牽二牢米八十筥醢醢八十甕皆陳米二十車禾三十車芻薪倍禾皆陳乘禽日五

十雙壹饗壹食壹燕凡介行人宰史皆有餐饗餼以其爵等為之禮唯上介有禽獻夫人致禮六壺六豆六籩膳眡致饗親見卿皆膳特牛

凡諸侯之卿大夫士為國客則如其介之禮以待之凡禮賓客國新殺禮凶荒殺禮札喪殺禮禍裁殺禮在野在外殺禮凡賓客死致禮以喪用賓客有喪唯芻稍之受遭主國之喪不受饗食受牲禮

此慮及處禮之變遭變殺禮處之極周處之極當

與士之士乃同
僚八人也

此種竟送迎之
官

掌訝掌邦國之等籍以待賓客。若將有國賓客至。則戒官修委積。與士逆賓于疆。為前驅而入。及宿。則令聚橐。及委。則致積。至于國。賓入館。次于舍門外。待事于客。及將幣。為前驅。至于朝。詔其位。入復。及退亦如之。凡賓客之治。令訝訝治之。凡從者出。則使人道之。及歸。送亦如之。凡賓客。諸侯有卿訝。卿有大夫訝。大夫有士訝。士皆訝。凡訝者。賓客至而往。詔相其事。而掌其治。

令

掌交掌以節與幣。巡邦國之諸侯。及其萬民之所聚者。道王之德意志慮。使咸知王之好惡。辟行之。使和諸侯之好。達萬民之說。掌邦國之通事而結其交好。以諭九稅之利。九禮之親。九牧之維。九禁之難。九戎之威。

論字貫至末

大卜掌三兆之法。一曰王兆。二曰瓦兆。三曰原兆。其經兆之體。皆百有二十。其頌皆千有二百。

繇辭也

此後記卜筮
祝

八人巡行天下
以達君民之情

掌三易之法。一曰連山。二曰歸藏。三曰周易。其經卦皆八。其別皆六十有四。掌三夢之法。一曰致夢。二曰觴夢。三曰咸陟。其經運十其九十。以邦事作龜之八命。一曰征。二曰象。三曰與。四曰謀。五曰果。六曰至。七曰雨。八曰瘳。以八命者贊三兆。三易三夢之占。以觀國家之吉凶。以詔救政。凡國大貞。卜立君。卜大封。則眡高作龜。大祭祀。則眡高命龜。凡小事。涖卜。國大遷。大師。則

貞龜。凡旅。陳龜。凡喪事。命龜。

卜師掌開龜之四兆。一曰方兆。二曰功兆。三曰義兆。四曰弓兆。凡卜事。眡高揚火。以作龜。致其墨。凡卜。辨龜之上下左右陰陽。以授命龜者而詔相之。

龜人掌六龜之屬。各有名物。天龜曰靈屬。地龜曰繹屬。東龜曰果屬。西龜曰雷屬。南龜曰獵屬。北龜曰若屬。以其方之色。與其體。辨之。凡取龜

用秋時。攻龜用春時。各以其物入于龜室。上春釁龜。祭祀先卜。若有祭事。則奉龜以往。旅亦如之。喪亦如之。

董氏掌共燹契以待卜事。凡卜以明火。燹燹。遂飲其燹契。以授卜師。遂役之。

占人掌占龜。以八簊占八頌。以八卦占簊之八。故以眡吉凶。凡卜簊。君占體。大夫占色。史占墨。卜人占坼。卜簊既事。則繫幣以比其命。歲終則

計其占之中否。

簊人掌三易以辨九簊之名。一曰連山。二曰歸藏。三曰周易。九簊之名。一曰巫更。二曰巫咸。三曰巫式。四曰巫目。五曰巫易。六曰巫比。七曰巫祠。八曰巫參。九曰巫環。以辨吉凶。凡國之大事。先簊而後卜。上春相簊。凡國事共簊。

占夢。掌其歲時。觀天地之會。辨陰陽之氣。以日月星辰。占六夢之吉凶。一曰正夢。二曰噩夢。三

曰思夢。四曰寤夢。五曰喜夢。六曰懼夢。季冬聘王夢。獻吉夢于王。王拜而受之。乃舍萌于四方。以贈惡夢。遂令始難毆疫。

眡祲。掌十輝之法。以觀妖祥。辨吉凶。一曰祲。二曰象。三曰鑄。四曰監。五曰闇。六曰膏。七曰彌。八曰敘。九曰隋。十曰想。掌安宅敘降。正歲則行事。歲終則弊其事。

周禮卷十一

大祝掌六祝之辭。以事鬼神。示祈福祥。求永貞。一曰順祝。二曰年祝。三曰吉祝。四曰化祝。五曰瑞祝。六曰筮祝。掌六祈以同鬼神示。一曰類。二曰造。三曰禴。四曰禘。五曰絜。六曰誥。作六辭以通上下親疎遠近。一曰祠。二曰命。三曰誥。四曰會。五曰禱。六曰誅。辨六號。一曰神號。二曰鬼號。三曰示號。四曰牲號。五曰齋號。六曰幣號。辨九

隋蒙謂薦血也
凡祭血曰蒙
若守祧所謂歲
其隋

言向人讀禱謂
太祝作為言詞

令向人讀以禱
神也
左傳若以師行
殺社蒙鼓祝奉
以迄

祭。一曰命祭。二曰衍祭。三曰炮祭。四曰周祭。五
日振祭。六曰擣祭。七日絕祭。八曰繚祭。九曰共
祭。辨九擣。一曰稽首。二曰頓首。三曰空首。四曰
振動。五曰吉擣。六曰凶擣。七日竒擣。八曰褒擣。
九曰肅擣。以享右祭祀。凡大禋祀。肆享祭。示則
執明水火而號祝。隋○灰○豐。逆牲逆尸。令鐘鼓。右亦
如之。來瞽令臯舞。相尸禮。既祭。令徹。大喪。始崩。
以肆鬯。滿尸。相飯。贊飲。徹奠。言向人讀禱。付練。

祥。掌國事。國有大故。天裁。彌祀。社稷禱祠。大師
宜于社。造于祖。設軍社。類上帝。國將有事于四
望。及軍歸。獻于社。則前祝。大會同。造于廟。宜于
社。過大山川。則用事焉。反行。舍奠。建邦國。先告
后土。用牲幣。禁督逆祀。命者。頒祭號於邦國。都
鄙。

小祝。掌卜祭祀。將事。候禳禱祠之祝號。以祈福
祥。順豐年。逆時雨。寧風旱。彌裁兵。遠臯疾。大祭

隋吐果反上聲
埋祭餘也

祀。逆齋盛送逆尸。沃尸。盥贊。隋贊。徹贊。奠凡事。
佐大祝。大喪贊。瀾。設熬。置銘。及葬。設道齋之奠。
分禱五祀。大師掌釁。祈號祀。有寇戎之事。則保
郊。祀于社。凡外內小祭祀。小喪紀。小會同。小軍
旅。掌事焉。

喪祝。掌大喪勸防之事。及辟。令啟。及朝。御。匱。乃
奠。及祖。飾棺。乃載。遂御。及葬。御。匱。出宮。乃代。及
壙。說載。除飾。小喪亦如之。掌喪祭號祝。王弔。則

與巫前。掌勝國邑之社稷之祝號。以祭祀禱祠
焉。凡卿大夫之喪。掌事而斂飾棺焉。

甸祝。掌四時之田。表貉之祝號。舍奠于祖廟。禴
亦如之。師甸致禽于虞中。乃屬禽。及郊。饁獸。舍
奠于祖禴。乃斂禽。禴牲。禴馬。皆掌其祝號。

詛祝。掌盟詛。類造攻說。禴禘之祝號。作盟詛之
載辭。以敘國之信用。以質邦國之劑信。
司巫。掌羣巫之政令。若國大旱。則帥巫而舞雩。

祭音馮師祭也
田乃習兵之禮
故土禘祭

舊隸夏官

國有大裁。則帥巫而造巫恒。祭祀則共匱主及道布。及菹館。凡祭祀守瘞。凡喪事。掌巫降之禮。男巫。掌望祀。望衍。授號。旁招以茅。冬。堂贈。無方。無算。春。招弭以除疾病。王弔則與祝前。女巫。掌歲時祓除釁浴。旱暵則舞雩。若王后弔。則與祝前。凡邦之大裁。則歌哭而請。祭僕。掌受命于王。以眡祭祀。而警戒祭祀。有司。糾百官之戒具。既祭。帥羣有司而反命。以王命。

勞之。誅其不敬者。大喪。復于小廟。凡祭祀。王之。所不與。則賜之禽。都家亦如之。凡祭祀。致福者。展而受之。

小臣。掌王之小命。詔相王之小法儀。掌三公及孤卿之復逆。正王之燕服位。王之燕出入。則前驅。大祭祀朝覲。沃王盥。小祭祀。賓客饗食。賓射。掌事。如大僕之法。掌士大夫之弔勞。凡大事。佐大僕。

舊隸夏官此太僕之佐也故隸夏官

舊隸天官

夏采掌大喪以冕服復于太祖以乘車建綏復于四郊。

王巡幸則張舍以待休息若後世之更衣湯沐也

掌舍掌王之會同之舍。設榘柎再重。設車宮。轅門。為壇壝宮。棘門。為帷宮。設旌門。無宮則共人門。凡舍事則掌之。

掌舍掌次幕人三職舊隸天官

掌次掌王次之法以待張事。王大旅上帝則張氈案。設皇邸。朝日祀五帝則張大次小次。設重帟重案。合諸侯亦如之。師田則張幕。設重帟重

舊隸天官

案。諸侯朝覲會同則張大次小次。師田則張幕。設案。孤卿有邦事則張幕。設案。凡喪王則張帟。三重。諸侯再重。孤卿大夫不重。凡祭祀張其旅幕。張尸次射則張耦次。掌凡邦之張事。

幕人掌帷幕幄帟綬之事。凡朝覲會同軍旅田役祭祀共其帷幕幄帟綬。大喪共帷幕帟綬。三公及卿大夫之喪共其帟。

伊耆氏掌國之大祭祀共其杖咸。軍旅授有爵

伊耆氏司烜氏二職舊隸秋官

者杖。共王之齒杖。

司烜氏掌以夫遂取明火於日。以鑿取明水於月。以共祭祀之明。盥明燭。共明水。凡邦之大事。共墳燭。庭燎。中春以木鐸修火禁于國中。軍旅修火禁。邦若屋誅則為明竈焉。

司燿掌行火之政令。四時變國火。以救時疾。季春出火。民咸從之。季秋內火。民亦如之。時則施火令。凡祭祀則祭燿。凡國失火。野焚萊。則有刑

舊隸夏官
鑛燧改火

罰焉

舊隸地官

毛之取純色也

尨雜色

舊隸地官

牧人掌牧六牲而阜蕃其物。以共祭祀之牲。牲。凡陽祀用騂牲。毛之。陰祀用黝牲。毛之。望祀各以其方之色牲。毛之。凡時祀之牲。必用牲物。凡外祭毀事用尨可也。凡祭祀共其犧牲。以授充人繫之。凡牲不繫者共奉之。

充人掌繫祭祀之牲。牲。祀五帝則繫于牢。芻之。二月享先王亦如之。凡散祭祀之牲。繫于國門。

舊隸地官

使養之。展牲則告牲。碩牲則贊。

牛人掌養國之公牛。以待國之政令。凡祭祀共

其享牛。求牛以授職人而芻之。凡賓客之事共

其牢禮。積膳之牛。饗食賓射。共其膳羞之牛。軍

事共其犒牛。喪事共其奠牛。凡會同軍旅行役

共其兵車之牛。與其牽去絲。以載公任器。凡祭祀

共其牛牲之互。與其盆老。以待事。

犬人掌犬牲。凡祭祀共犬牲。用牲物伏瘞亦如

舊隸秋官

義祈珥珥沈理
沈祭山川辜磔
牲祭四方駝雜
色

之。凡幾珥沈辜。用駝可也。凡相犬牽犬者屬焉。

掌其政治。

雞人掌共雞牲。辨其物。大祭祀夜嘑旦以詔百

官。凡國之大賓客會同軍旅喪紀亦如之。凡國

事為期則告之時。凡祭祀百禳釁共其雞牲。

羊人掌羊牲。凡祭祀飾羔祭祀割羊牲登其首。

凡祈弭共其羊牲。賓客共其法羊。凡沈辜候禳

釁積共其羊牲。若牧人無牲則受布于司馬使

面非一方也禳
以雞牲却裁禍
也釁以鷄血獻
妖怪也

舊隸夏官

布泉也

舊隸夏官

其賈買牲而共之。

小子掌祭祀羞羊肆音別羊殺肉豆而掌珥于社稷

祈于五祀凡沈辜侯禳飾其牲釁邦器及軍器

凡師田斬牲以左右狗陳祭祀贊羞受徹焉

春人掌共米物祭祀共其齎盛之米賓客共其

牢禮之米凡饗食共其食米掌凡米事

饌人掌凡祭祀共盛共王及后之六食凡賓客

共其簠簋之實饗食亦如之

春人饌人攝人
三職舊隸地官

死散也死食者
留治文書之人
也

犒人掌共內外朝冗食者之食若饗耆老孤子

士庶子共其食掌黍祭祀之火

